

Apertura di oficina di turismo nobo na Eagle

ORANJESTAD(AAN) -- Diasabra a tuma lugar e apertura di e oficina nobo di turismo na Eagle.

Presente na e ocasion aki tabata Gobernador interino señor Max Croes, miembronan di Parlamento, Prome Ministro Eman, Ministronan Mansur, Vos, Engelbrecht y otro invitadonan tanto local como di exterior.

Director di Turismo señor Rory Arends a hiba palabra prome cu e apertura oficial y a introduci e personal y staff di Turisten Bureau.

Tambe Rory Arends a menciona cu na e apertura tambe tabata presente un grupo hopi importante di "tour operators" cu a bin Aruba pa atende un reunion di mercadeo.

Director di AHATA, Grif-

tur esnan cu den tur momento a yuda haci un exito di e industria turistico y a bisa di ta convenci cu "hunto lo nos por haci Aruba e miho lugar pa bishita den Caribe".

Ministro Mansur na su turno a bisa cu esaki ta un ocasion conmemorable y di valor historico ya cu e edificionan di e turistenbureau y AHATA nobo, ta e edificionan unda antes tabata Arend Petroleum Co., un subsidiario di Shell cu tabata opera na refineria di Exxon.

E edificionan di Turisten Bureau y AHATA a ser poni hunto mustrand e importancia di comunicacion y cooperacion entre e dos institucionnan importante aki. "Mi sa cu Turisten Bureau a opera cu poco facilidadnan sinembargo a sa di

hisa turismo cu 27 % pa 1987 y cu 28 % na 1988.

Cu e facilidadnan nobo aki nos ta bay spera hopi mas! Esaki ta un paso mas pa profesionalisa nos turismo y organiza nos staff pa logra miho resultadonan", asina Ministro Mansur a expresa.

Prome Ministro a expresa cu e apertura di e oficina ta simboliza algo hopi grandi, cual ta e progreso di Aruba, pero tambe na e mes momento e manera con nos a yega na e progreso aki.

E construccion di e edificio aki tin un meta dobel; durante construccion crea empleo pa nos hendenan sin entrada y na mes momento crea un centro nobo pa un di e pilarnan importante pa nos economia.

Dia 19 di October e entiero lo tuma lugar na Suriname.

